

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članom 15. stav (4) Zakona o izvršavanju Budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23 i 10/23), na prijedlog Ministarstva finansija, Vlada Zeničko-dobojskog kantona, na 9. sjednici, održanoj dana 25.12.2023. godine, d o n o s i

## **ODLUKU**

### **o preraspodjeli sredstava u Budžetu Zeničko-dobojskog kantona za 2023. godinu**

#### **Član 1.**

##### **(Predmet)**

Odobrava se preraspodjela sredstava planiranih u Budžetu Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23 i 20/23), između budžetskih korisnika iz nadležnosti Ministarstva za obrazovanje, nauku, kulturu i sport.

#### **Član 2.**

##### **(Način preraspodjele)**

Preraspodjela sredstava planiranih u Budžetu Zeničko-dobojskog kantona za 2023. godinu, vrši se na sljedeći način:

- a) na razdjelu 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, planirani rashodi na poziciji 821600 – Rekonstrukcija i investiciono održavanje, Plan izdaci iz budžeta 2023. godina, umanjuju se za 41.000,00 KM;
- b) na razdjelu 22, budžetska organizacija 02, potrošačka jedinica 0047 – JU OŠ „Aleksa Šantić“ Zenica, planirani rashodi na poziciji 821600 – Rekonstrukcija i investiciono održavanje, Plan izdaci iz budžeta 2023. godina, uvećavaju se za 28.000,00 KM;
- c) na razdjelu 22, budžetska organizacija 03, potrošačka jedinica 0007 – JU Mješovita srednja škola Maglaj, planirani rashodi na poziciji 821600 – Rekonstrukcija i investiciono održavanje, Plan izdaci iz budžeta 2023. godina, uvećavaju se za 13.000,00 KM.

#### **Član 3.**

##### **(Realizacija odluke)**

Za realizaciju ove odluke zadužuju se JU OŠ „Aleksa Šantić“ Zenica, JU Mješovita srednja škola Maglaj, Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

#### **Član 4.**

##### **(Namjena sredstava i izvještavanje)**

(1) Odobrena dodatna sredstva JU Osnovna škola „Aleksa Šantić“ Zenica će utrošiti za završetak radova na sanaciji fasade na školskom objektu i školskoj sali.

(2) Odobrena dodatna sredstva JU Mješovita srednja škola Maglaj će utrošiti za završetak radova na sanaciji krova na školskim radionicama.

(3) Škole su dužne sačiniti izvještaj o namjenskom utrošku sredstava i isti dostaviti resornom Ministarstvu najkasnije 7 (sedam) dana nakon utroška sredstava.

**Član 5.**  
**(Stavljanje van snage)**

Stupanjem na snagu ove odluke stavlja se van snage Odluka o preraspodjeli sredstava u Budžetu Zeničko-dobojskog kantona za 2023. godinu broj: 02-11-17824/23 od 30.11.2023. godine.

**Član 6.**  
**(Stupanje na snagu)**

Ova odluka stupa na snagu narednog dana od dana donošenja i objavit će se u „Službenim novinama Zeničko-dobojskog kantona“.

Broj: 02-11-19317/23  
Datum, 25.12.2023. godine  
Z e n i c a

**PREMIJER**

*Nezir Pivić*

DOSTAVLJENO:

- 1x Ministarstvo finansija,
- 1x Ministarstvo za obrazovanje, nauku, kulturu i sport,
- 1x JU OŠ „Aleksa Šantić“ Zenica,  
putem Ministarstva za obrazovanje, nauku, kulturu i sport,
- 1x JU Mješovita srednja škola Maglaj,  
putem Ministarstva za obrazovanje, nauku, kulturu i sport,
- 1x „Službene novine Zeničko-dobojskog kantona“,
- 1x a/a.